

OMNIUM INDULGENTIARUM PLENARIARUM QUAE IN CATALOGO
CONTINENTUR ABSOLUTA DEMONSTRATIO.

Cum plerique dubium fuerit visum ex ipsa rei magnitudine tantum Indulgenterum pleniarum adesse Scapulari Coeruleo Immaculatae Conceptionis, ad veritatem documentis firmandam afferenda putamus, quae ad rem in **Monitore Ecclesiastico** (auctore **Emo ac Rmo D. Cardinali Casimiro Gennari**) Vol. X, Par. 2. Anno XXIII, Fasc. 9, Romae edito, die 30 Novembris 1898, in pag. 205 leguntur, quaeque latine versa hujusmodi sunt.

§ 40.

Utrum authenticae sint concessiones quamplurium indulgentiarum pleniarum gestantibus Scapulare Immac. Concept. B. Mariae V., et recitantibus sex Pater, Ave, et Gloria.

Praeponitur. In Libro S. Alphonsi Mariae De Liguori, cui titulus « *Le Glorie di Maria* », in VI §, quum agatur de variis obsequiis devotionis, etc., ista, quae sequuntur, habemus: « Sciendum praesertim est, scapulari Immaculatae Conceptionis cui benedicitur a PP. Theatinis, praeter quamplures Indulgenterias peculiares, additas esse Indulgenterias omnes cuivis Religioso Ordini, pio loco, et homini olim concessas. Et praecipue, sex *Pater, Ave et Gloria* ad honorem SS. Trinitatis et Mariae Immaculatae recitantes lucrantur *toties quoties* indulgentias omnes Romae, Portiunculae, Galitiae, Jerusalem, quarum pleniarum numerus summam quingentarum et quinque ac triginta (535) contingit, praeter *temporarias*, quae innumerabiles multitudine sunt ».

Quaeritur nunc utrum iste pleniarum indulgen-

tiarum thesaurus, lucrandarum *toties quoties*, fulcitur authenticis documentis, nec ne.

Respondemus. Quoad has concessiones maxima cura scrutati sumus, si enim authenticitate gauderent, immensurabilem thesaurum efficerent: Quaerentibus autem et perscrutantibus diligentissime ista appa- ruerunt.

Romani Pontifices plurimas olim concessere indulgentias, quas postea vel coegerunt impositis limitibus, vel penitus revocarunt, et has inter ultro enumerandae illae sunt, quae Scapulare Immaculatae Conceptionis Mariae Sanctissimae attingunt. Decretum — *Praecipuas inter* — Clementis Papae XI, die Februarii vigesimoquarto datum, Anno 1712, et a *Ferraris* relatum (v. Indulgenteria, art. IV, n. 21), examen singulare constituit circa indulgentias, quae Scapulari Immaculatae Conceptionis tradebantur annexae, easque ad exiguum deducit, reliquas ceterasque statuens abolitas fuisse, et inter prohibitos eos habendos esse libros, qui de his facerent mentionem, (cujusmodi decernitur ille, quem Theatini PP. anno Domini 1711 Veronae proelis mandarunt).

Indulgenteriae autem, quae illo in Decreto Clementino authenticae tenentur eidem Scapulari annexae, reducuntur ad Plenariam die impositionis Scapularis, idem in articulo mortis, idem in festo Immaculatae Conceptionis. De Plenariis huc usque. Temporariae autem habentur in singulis festis Beatae Mariae virginis singulae septem annorum ac todidem quadraginarum, praemissis Sacramentis Poenitentiae et Eucharistiae, visitatione Templi, et precibus pro summo Pon- tifice, lucranda.

Patet hoc Decreto reliquas Indulgenterias subrutas fuisse, quae illud Scapulare ferentibus vel concessae

vel tributae olim fuerunt, nec exceptas, quae dicuntur: *toties quoties*, recitationi *Pater, Ave et Gloria* adnexas.

Hae tamen Indulgentiae omnes authentico S. Congregationis Indulgent. Decreto diei 14 Aprilis anno 1856 dato: in *Tertii Ordinis S. Francisci*, N. 374, approbato et confirmato a S. M. Pii Papae IX rursum vixerunt. Haec autem sunt verba Decreti

« II. An sodales Scapularis Caerulei Immaculatae Conceptionis recitando sex *Pater Ave et Gloria* in honorem SS.mae Trinitatis et Deiparae Virginis Immaculatae, orando pro haeresum extirpatione, exaltatione Sanctae Matris Ecclesiae, atque Christianorum Principum pace et concordia omnes lucrificant Indulgentias septem Basilicarum Romae, Portiunculae, Jerusalem et S. Jacobi de Compostella ?
« R. Affirmative.

« III An Indulgentiae, de quibus in superioribus dubiis, lucentur *toties quoties*, et an in quocumque loco preces istas fuderint?

« R. Affirmative iuxta votum consultoris nempe servato Decreto S. Congr. die 7 Martii 1678, approbato ab Innocentio XI, cuius initium: — *Delatae saepius*.

« IV. An ad easdem lucrandas Indulgentias recitare sufficiat sex tantum *Pater, Ave et Gloria*, ita ut necesse minime sit alias preces addere, prout in Indulgenciarum concessionibus atque rescriptis ordinis per aliquod temporis spatium juxta intentionem Pontificis, seu pro haeresum extirpatione, exaltatione S. Matris Ecclesiae, atque Christianorum Principum pace et concordia etc. injungi consuetum est? R. Affirmative.

« V. An ad memoratas Indulgentias, de quibus sci licet in dub. I consequendas, necessaria sit Sacra-

« mentorum Poenitentiae et Eucharistiae susceptio ?
« R. Negative.

« VI. An denique hae ispaes Iudulgentiae omnes ani-

« mabus in Purgatorio detentis applicari possint?
R. Affirmative.

Decretum diei 7 Martii 1678, cui innuitur quodque incipit verbis « *Delatae saepius* » Indulgentias Romae proprias respicit, atque ita decernit.

« Indulgentias vero Stationum Urbis, quae a Romanis Pontificibus singulari quodam beneficio vel comunicatae sunt, vel comunicabuntur interdum aliquibus locis, Ordinibus, aut personis, diebus tantum Stationum in Missali Romano descriptis, suffragari posse declarat; semel autem dumtaxat in die plenariam indulgentiam in certos dies ecclesiam visitantibus concessam, vel aliud pium opus peragentibus lucrificeri ».

Quibus documentis elucet:

a) Ferentes Conceptionis Immaculatae scapulare quum recitent sex *Pater, Ave, et Gloria* ad honorem SS.mae Trinitatis et SS.mae Virginis Immaculatae comparare sibi indulgentias omnes Septem Basilicis Urbis adnexas, itemque Portiunculae, Jerusalem, et S. Jacobi in Compostella.

b) Hujusmodi indulgentias posse *toties comparare, quoties* ab iisdem sex *Pater, Ave, et Gloria* recitentur. At quoad indulgentias Stationibus Urbis adnexas, tantummodo diebus Stationum in Missali Romano descriptis, una dumtaxat indulgentia plenaria quoque die comparatur.

c) Ad has Indulgentias lucrandas necessarium non esse adire SSma Sacmenta Poenitentiae et Eucharistiae, quum satis sit mortali culpa carere, et in eo, qui *status gratiae* dicitur, permanere.

d) Nec opus esse alias addere preces pro extirpa-

tione haerem, pro S. Matris Ecclesiae exaltatione, pro pace et concordia Christianorum Principum, quum satis sit hos fines in mente habere dum sex Pater Ave et Gloria recitantur.

e) Praenotatas denique indulgentias ad modum suffragii pro animabus in Purgatorio detentis posse adhiberi, et applicabiles esse.

Ac ne dubium ullum labefactet authenticitatem Decretorum, de quibus est sermo, singula, quae sunt exposita authentico confirmantur Summario Indulgentiarum quae conceduntur gestantibus scapulare Immaculatae Conceptionis aut a PP. Theatinis benedictum, aut a quovis cui potestatem benedicendi Rmus Praepositus Generalis Theatinorum largiatur.

Hoc autem Summarium Gregorius Papa XVI felicis recordationis die 12 Julii Anno 1845, intemque Pius IX sanctae memoriae Summus Pontifex, die 7 Julii Anno 1850, comprobarunt, descriptum et insertum habetur in Collectione, cui titulus « Rescripta Authentica S. C. Indulg. », auctore R. P. Schneider Societ. Jesu, ejusdem S. C. Consultore.

Haec porro sunt ejus verba Summarii, quae in pag. 577 leguntur.

« Insuper si quis recitet sex *Pater*, *Ave*, et *Gloria* in honorem SS. Trinitatis, et B. Mariae Virginis sine labe Conceptae, orando ut dignetur Deus Sanctam Catholicam Ecclesiam triumphis quotidie augere haereses extingue, pacem et concordiam inter christianos principes fovere, universas sibi comparat Indulgentias septem Urbis Basilicarum, Portiunculae, Jerusalem, et S. Jacobi Compostellae. « Praeterea S. Congregatio Indulgencis Sacrisque Reliquiis praeposita in comitiis generalibus, habitis die 31 Martii 1856, decreto suo declaravit supra-

dictas Indulgentias septem Urbis Basilicarum, Portiunculae, Jerusalem et S. Jacobi Compostellae *toties quoties* acquiri posse, et quocumque loco preces fundent, servato decreto S. Congr. Indulg. die 7 Martii 1678 approbatu ab Innocentio XI, quod incipit *Delatae saepius*, neque oportere alias preces addere, ac Sacramentorum Poenitentiae et Eucharistiae susceptionem praemittere, sed sufficere *sex* tatum *Pater*, *Ave*, et *Gloria* recitari, uti supra, easque applicabiles etiam esse animabus in Purgatorio degentibus. Quod quidem decretum Pius PP. IX S. M. die 14 Aprilis ejusdem anni 1856 benigne approbavit ».

Procul dubio igitur est, habentes scapulare Immaculatae Conceptionis, quoties recitent *sex Pater*, *Ave* et *Gloria*, ad eos assequendos fines, de quibus facta nuper mentio est, lucrari omnes Indulgentias (*Septem Basilicarum*) Urbis, Locorum Sanctorum in urbe Jerusalem, Portiunculae, et S. Jacobi Compostellae, exceptis illis, quae adnectuntur Stationibus singulis Urbis proprio die, et quae semel die comparantur.

Quinam autem est Numerus, et quot sunt istae Indulgentiae?

Sanctus Alphonsus plenaria usque ad 535 enumerat: temporarias innumerabiles dicit.

Nobis impossibile est, singulas enucleando, numerum ad unquem decernere, eo magis quia, desperditis titulis vetustissimis quoad Loca sancta, nulli fas est, numerum diligentissime adipisci. Hoc unum tamen in medio est, et cuique exploratum, uberrimas gratias, et magnitudine ingentes, et multitudine innumerabiles S. Sedem concessisse Indulgentias singulis Sanctissimis Locis, ad quae tot peregrinorum millia quotidie confluabant. Quid erit igitur si t

Indulgentiae in tot Loca distributae veluti congerantur in fascem, et uni scapulari Immaculatae Conceptionis imponantur atque addicantur?

Jure igitur concludimus asserentes maximum Indulgentiarum Thesaurum facilime comparandum susser omnes et praे omnibus esse apud Scapulare Immaculatae Conceptionis adnexum recitationi sex *Pater, Ave et Gloria* ad bonum eorum, qui et hujusmodi Scapulare ferant et in ea recitatione vertentur.

NONNULLA MEMORATU DIGNA



1. Ut facilius Romam mitti possint nomina adscriptorum ad habitum coeruleum, impressa sunt authentica alba (vulgo: *registri*), in quibus sacerdotes facultatem habentes ea scribere queant. Haec alba peti possunt ad Secretariam Generalem Patrum Theatinorum (solvendo cent. 50 pro expensis), et quum impleta fuerint, iterum mitti debent Romam, Patri Generali Theatinorum ad S. Andream de Valle, in Archivio Archisodalitatis asservanda.

2. Si alicubi erienda sit sodalitas ab Immaculata Conceptione, petatur ab Episcopo proprio decretum institutionis canonicae, tenoris sequentis:

N. N. EPISCOPUS ETC.

Quum propter demandatum Nobis munus, ad augendam Christifideli pietatem, ac ad spirituale eorum bonum, qui Nostris pastoralibus curis crediti sunt, procurandum, quantum in Domino possumus, animum intendamus, praesentium literarum tenore, ad tramites Sacrorum Canonum et

Synodalium huius Nostræ Dioecesis Constitutionum,
sine Episcopali et Parochialium iurium praeiudicio IN ECCLESIA SANCTI N. CIVITATIS N. piam sodalitatem ab Immaculata Conceptione B. M. V.
Genitricis Dei canonice erigimus et instituimus.
Eamque, ita erectam et institutam, Primariae Archisodalitati eiusdem Nominis Romæ in Ecclesia S. Andreæ Apostoli de Valle existenti aggregari permittimus ». Datum.....

Exemplar authenticum hujus decreti mittatur Romanum, ad Rm Patrem Generalem Theatinorum ad S. Andream de Valle. Pater Generalis tradet (prævia eleemosyna 10 libellarum pro expensis) diploma aggregationis. Vigore hujus aggregationis conceditur Moderatori sodalitatis :

a) Facultas in perpetuum benedicendi scapularia et coronulas quae ab Immaculata Conceptione nuncupantur.

b) Impertiendi adscriptis Indulgentiam plenariam in articulo mortis, vel (si fuerit legitime impeditus) delegandi ad id alium sacerdotem.

c) Ius tenendi proprio commodo album adscriptorum, ac proinde cessatio obligationis mitendi nomina ad Archivium Generale Romanum.

d) Omnibus autem sociis participatio Indulgentiarum et Privilegiorum Archisodalitatis existentis in Ecclesia S. Andreæ de Valle in Urbe, quam Primariam proclamavit SS. D. N. Leo Papa XIII per Breve diei 18 Septembris 1894.

FORMULA INSCRIPTIONIS IN SODALITATE

Domin.

acceptit habitum coeruleum et adscriptus fuit Sodalitati ab Immaculata Conceptione B. V. Mariae Matris Dei cum participatione indulgentiarum et gratiarum spiritualium, quas concesserunt Summi Pontifices Gregorius XVI, Pius IX, et novissime Ss. D. N. Leo PP. XIII (Brevibus 6 Julii et 18 Septembris 1894) Archisodalitati Primariae existenti ad S. Andream de Valle PP. Theatinorum Romae.

die

Moderator

DOCUMENTA

QUAE AD CONFRATERNITATEM B. M. V. IMMACULATAE
REFERUNTUR

Lucidus Maria, Miseratione Divina Episcopus Albanensis, S. R. E. Cardinalis Parocchi, SSmi Dni Nri Papae Vicarius Generalis, Romanae Curiae eiusque Districtus Judex Ordinarius.

Confraternitatem Immaculatae Conceptionis Beatisimae Mariae Virginis, Matris Dei, Nos potestate nostra ordinaria erigimus in Ecclesia S. Andreae de Valle PP. Theatinorum et canonice erectam esse pronuntiamus, ejusque Constitutionem septem infrascriptis articulis consignatam adprobamus.

STATUTA

- I. — Sequens Confraternitati Nomen esto: — Confraternitas Immaculatae Conceptionis B. M. Virginis, Matris Dei, in Ecclesia S. Andreae de Valle PP. Theatinorum; Romae. —
- II. — Confraternitati propositum praescriptumque est, quasi scopus, Immaculatae Conceptionis et Divinae Maternitatis in B. M. V. privilegium honorare.
- III. — Utriusque sexus Cristifideles in Confraternitatis numero habentur.
- IV. — Aggregantur autem Benedictione et impositione Scapularis coerulei, Traditione (*si comode fieri potest*) parvae coronulae, cui ab Immaculata Conceptione nomen est, demum Inscriptione nominis in Albo Confraternitatis.
- V. — Confratres et Consorores ad Ecclesiam S. Andreae de Valle accedant, Divinis Mysteriis

Sacrisque Solemnibus adstantes, quae duodecim praecedentibus Sabbatis, itemque die Festo Immaculatae Conceptionis, nempe die 8 Decembris a primis ad secundas Vesperas, celebrantur.

VI. — In eadem Ecclesia pariter sint tum tribus Sabbatis praecedentibus, tum die Festo B. M. V. ab Angelo Annuntiatae, nempe 25^a die Mensis Martii.

VII. — Spiritualis Directio tota est in R. mo P. Generali (pro tempore), sive in alio R. ndo P. Theatino, cui R. mus P. Generalis munus fungendum, quoad ipse voluerit, tradiderit.

Datum Romae ex aed. Vicariatus die 21 Maii 1894.

L.  S. L. M. CARD. VICARIUS.

PETRUS Can. CHECCHI, *Secret.*

LEO PAPA XIII.

AD PERPETUAM REI MEMORIAM.

Quum sicuti accepimus in Nostrae Aliae huius Urbis Ecclesia S. Andreæ Apostoli, vulgo *della Valle* nuncupata, quae ad Clericos Regulares Congregationis Theatinorum pertinet, pia quaedam ac devota Christifidelium Confraternitas sub titulo Immaculatae Deiparae Virginis Conceptionis canonice erecta existat cuius sodales quamplurima pietatis et charitatis opera exercere consueverint seu intendant; Nos, quo huiusmodi Consociatio maiora in dies suscipiat incrementa, de Omnipotenti Dei misericordia ac BB. Petri, et Pauli, Apostolorum Eius, Auctoritate confisi, omnibus predictæ Confraternitatis sodalibus, qui eamdem Sodalitatem in posterum ingre-

dientur, die primo eorum ingressus, vel uno ex septem diebus continuis immediate sequentibus ad eorum arbitrium eligendo, si vere poenitentes et confessi SS. m. Eucharistiae Sacramentum sumpserint, **Plenariam**; ac tam descriptis, quam pro tempore in dicta Confraternitate describendis sodalibus, qui vere poenitentes et confessi ac S. Communione refecti præfatam Ecclesiam S. Andreæ **quolibet e duobus sabbatis** festivitatem Immaculatae Deiparae Virginis Conceptionis praecedentibus, nec non festivitatibus **Conceptionis, Nativitatis, Annuntiationis, Purificationis et Assumptionis B. Mariae Virginis Immaculatae** vel uno quo cuique libeat e septem diebus continuis immediate respective subsequentibus singulis annis devote visitaverint, ibique pro Christianorum Principum concordia, haeresum extirpatione, peccatorum conversione, ac S. Matris Ecclesiae exaltatione piis ad Deum preces effuderint, quo die præfatorum id egerint, **plenariam** similiter omnium peccatorum suorum **indulgentiam** et remissionem misericorditer in Domino concedimus. Praeterea iisdem memoratae Confraternitatis sodalibus, qui corde saltem contriti quo cumque **triūm sabbatorum** festivitatem B. M. V. Annuntiationis præcedentium, vel dies festos **Praesentationis ac Visitationis eiusdem Deiparae Virginis** supradictam Ecclesiam visitaverint, atque, ut præfertur, oraverint, **septem annos totidemque quadragesinas** de iniuncis eis, seu alias quomodolibet debitis poenitentiis in forma Ecclesiae consueta relaxamus. Quas omnes et singulas indulgentias, peccatorum remissiones ac poenitentiarum relaxations etiam animabus Christifidelium, quae Deo in charitate coniunctae ab hac luce migraverint, per modum suffragii applicari posse indulgenus. In contrarium facientibus non

obstantibus quibuscumque. Praesentibus in perpetuum valituris. Datum Romae apud S. Petrum sub Annulo Piscatoris, die vi Julii MDCCXCIV. Pontificatus Nostri. Anno Decimoseptimo.

Pro Domino CARD. DE RUGGIERO

NICOLAUS MARINI, Sub.

LEO PAPA XIII.

AD PERPETUAM REI MEMORIAM

Cum nihil antiquius sit Nobis quam ut Deiparae Virginis cultus et honor magis magisque in dies augeatur, ita propenso accepimus animo piam Sodalitatem ab **Immaculata Concepcione B. M. V. Genitricis Dei** iam in Ecclesia S. Andreae, vulgo « della Valle, » huius Almae Urbis Nostrae canonice erectam, et per Nos compluribus indulgentiis ditatam, adeo crevisse, ut aliae hujusmodi Consociationes desiderium ubique ostenderint, se ad illam aggregandi. Quacumta sint, votis precibusque dilecti filii Francisci de Paula Ragonesi Praepositi Generalis Clericorum Regularium Theatinorum nuncup. annuentes, praedictum Sodalitium honoribus ac privilegiis in uberius animarum bonum exornandum censuimus. Quare omnes et singulos, quibus Nostrae hae litterae favent, a quibusvis excommunicationis et interdicti aliisque ecclesiasticis sententiis, censuris et poenis quovis modo vel quavis de causa latis, si quas forte incurrerint, hujus tantum rei gratia absolventes et absolutos fore cententes, Auctoritate Nostra Apostolica memoratam Sodalitatem, in Ecclesia S. Andreae « della Valle » Nostrae huius Almae Urbis existentem, in Archisodalitatem cum solitis privilegiis perpetuam in modum eri-

gimus atque instituimus. Archisodalitatis autem sic erectae officialibus et sodalibus praesentibus ac futuris, ut ipsi alias quascumque Sodalitates eiusdem nominis atque istituti ubique terrarum existentes, servatis tamen forma Constitutionis Clementis PP. VIII Praedecessoris Nostri, aliquo Apostolicis Ordinationibus desuper editis, aggregare, illisque omnes et singulas indulgentias, peccatorum remissiones, ac poenitentiarum relaxations, ceterasque spirituales gratias ipsi sodalitati, ita in Archisodalitatem a Nobis erectas a S. sede Apostolica concessas et aliis communicabiles, communicare licite possint ac valeant, eadem auctoritate Nostra harum litterarum vi perpetuo item concedimus ac largimur. Decernentes has Nostras litteras firmas, validas et efficaces existere et fore, suosque plenarios et integros effectus sortiri et obtinere, illisque, ad quos spectat et spectare poterit in omnibus et per omnia plenissime suffragari, sicut in praemissis per quoscumque iudices ordinarios et delegatos iudicari et definiri, debere, atque irritum et inane si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus et Ordinationibus Apostolicis, et quatenus opus sit praefatae Confraternitatis etiam iuramento, confirmatione Apostolica, vel quavis firmitate alia roboratis statutis et consuetudinibus, ceterisque contrariis quibuscumque. Datum Romae apud S. Petrum sub Annulo Piscatoris, die xviii Septembris MDCCXCIV Pontificatus Nostri Anno Decimoseptimo.

C. Card. DE RUGGIERO.

Precationes infrascriptas S. Andreas Avellinus composuit, qui earumdem recitationem commendans sic adloquebatur: > scio hominem (erat et ipse) qui, dum eas recitaret, videbat ab Angelo singulas salutationes Virgini Beatissimae offerri quae de huiusmodi obsequio summopere oblectabatur. Et adjiecebat < certus sis, frater, te per has preces facilius gratias omnes impetraturum, et magnum ab eadem Beatissima Vergine in hora exitus tui auxilium promereret.

PIUS PAPA IX, fel. rec. per Breve diei 26 junii 1860 concessit omnibus et singulis utriusque sexus Cristifidelibus quotidie has precationes quocumque idiomate, corde saltem contrito, devote recitantibus, indulgentiam trecentorum dierum, et plenariam, si eas quotidie integro mense devote recitaverint, dummodo (uno dicti mensis die uniuscunque Christifidelis arbitrio sibi eligendo) vere poenitentes et confessi, ac S. Comunione refecti aliquam Ecclesiam vel aliquid Oratorium visataverint, et ibi pro christianorum principum concordia, haeresum extirpatione, ac S. Matris Ecclesiae exaltatione pias ad Deum preces effuderint: quae indulgentiae applicari etiam possunt animabus in purgatorio degentibus.

PRECATIONES

IN HONOREM DUODECIM PRIVILEGIORUM BMAE V. MARIAE

A S. ANDREA AVELLINO C. R. EXARATAE

In nomine Patris et Filii et Spiritus Sancti. Amen.
 ¶. Deus in adjutorium meum intende.
 ¶. Domine ad adjuvandum me festina.
 Gloria Patri. Sicut erat.
 1. Te salutamus, purissima ac sanctissima Mater

Jesu, teque humiliter deprecamur per tuam Praedestinationem, qua Mater Dei electa es ab aeterno; per tuam Immaculatam Conceptionem, qua maculae originalis peccati immunis fuisti; per tuam plenissimam animi demissionem, qua te perpetuo ad Dei voluntatem informasti; per tuam denique perfectissimam sanctitatem, qua toto vitae curriculo nunquam mendam ullam admisisti, ut pro nobis apud Deum patrona fias, quo peccatorum nostrorum multitudinem deleat, quae irae divinae causa extitere. Tuque, Pater omnipotens, per istorum privilegiorum merita, dilectissimae Filiae tuae preces exaudi, nobisque clientibus ejus clementer ignosce. Parce Domine, parce populo tuo.

1 Pater, 4 Ave, 1 Gloria.

¶. Per Sanctam Immaculatam Conceptionem tuam, libera nos, Gloriosa Virgo Maria.

2. Te salutamus, purissima ac sanctissima Mater Jesu, teque humiliter deprecamur per tuam sanctissimam Annuntiationem, qua in sinu tuo Verbum Divinum concepisti; per tuum felicissimum Partum, in quo nullum dolorem passa es. per tuam perpetuam Virginitatem, quam Matris foecunditati junxisti; per acerbum denique Martyrium tuum in morte Redemptoris nostri, ut fias conciliatrix, quo pretiosi Sanguinis Filii tui fructum experiamur. Tuque, Dei Fili, per istorum privilegiorum merita dilectissimae Matris tuae preces exaudi, nobisque clientibus ejus clementer ignosce. Parce Domine, parce populo tuo.

1 Pater, 4 Ave, 1 Gloria.

¶. Per Sanctam Immaculatam Conceptionem tuam, libera nos, Gloriosa Virgo Maria.

3. Te salutamus, purissima ac Sanctissima Mater Jesu, teque humiliter deprecamur per Gaudia cordis tui in Resurrectione et Ascensione Jesu Christi; per